



OFERTA DE EMPREGO A TODAS AS PERSOAS INTERESADAS

De acordo co disposto no vixente convenio colectivo e por non existir a lista de contratación da seguinte categoría, anúnciase a oferta de emprego para a cobertura do seguinte posto, que depende da Secretaría Xeral para o Deporte – Centro Galego de Tecnificación Deportiva de Pontevedra:

- **1 Titulado/a superior médico/a. Grupo I, categoría 2 do V Convenio colectivo persoal laboral Xunta de Galicia**

Poden participar no correspondente proceso selectivo todas as persoas interesadas que reúnan os requisitos de titulación e demais esixidos na convocatoria:

CARACTERÍSTICAS DO CONTRATO

- Méritos do posto.-
 - o Coñecementos e/ou experiencia en materia de medicina deportiva, nutrición ou cardioloxía
 - o Especialidade en medicina deportiva/máster en materia de medicina deportiva
- Centro: Secretaría Xeral para o Deporte – Centro Galego de Tecnificación Deportiva (Pontevedra)
- Contrato a formalizar.- Remuda por un 75 % da xornada para cubrir a xubilación parcial do ocupante do posto.
- Desenvolvemento.- En xornada completa, unha vez que o xubilado parcial remate a súa acumulación anual da xornada do 25 % anual.
- Duración aproximada.- será dende a data da sinatura do contrato ata a data de xubilación do ocupante, novembro de 2022.
- Desenvolvemento da xornada laboral.- A xornada laboral desenvolverase nos termos que a continuación se detallan:
 - o Luns a xoves Horario de mañá de 10.30 a 12.30 horas
 Horario de tarde de 15.00 a 20.30 horas
 - o Venres Horario en xornada continua de 7.45 a 15.15
- Retribucións brutas mensuais aproximadas.- 75% do salario bruto mensual dun Laboral do Grupo I da Xunta de Galicia.

BAREMO PARA A SELECCIÓN

Para establecer a orde de prelación nas puntuacións dos aspirantes aplicarase o seguinte BAREMO partindo do recollido no anexo III do V Convenio colectivo único para o persoal laboral da Xunta de Galicia (D.O.G. 3/11/2008) e da formación e experiencia específicas



recollidas como mérito do posto na Relación de Postos de Traballo dos órganos superiores e de dirección da Presidencia da Xunta de Galicia (D.O.G. 23/07/2019), que é o seguinte:

Méritos específicos adecuados ás características do posto de traballo

1.a) Por posuír os coñecementos nas materias que se especifican acreditados mediante a asistencia a cursos organizados e impartidos directamente pola Escola Galega de Administración Pública, Fegas, Academia Galega de Seguridade Pública, INAP, escolas oficiais de formación das restantes comunidades autónomas, universidades, Sepe, Dirección Xeral de Orientación e Promoción Laboral da Consellería de Economía, Emprego e Industria, cursos de formación continua do AFCAP-de:

- Traumatoloxía deportiva
- Cardioloxía do deporte
- Valoración funcional y/o ergoespirometría
- Medicina Escolar y/o de la Adolescencia
- Actividade Física e saúde
- Rehabilitación e/ou Fisioterapia deportiva
- Soporte Vital cardiovascular avanzado (RCP)
- Dietética e nutrición

- Por cada curso ata 25 horas: 0,2 puntos
- Por cada curso de máis de 25 horas e menos de 75 horas: 0,4 puntos
- Por cada curso de 75 horas ou máis e ata 100 horas: 0,8 puntos.
- Por cada curso de duración superior a 100 horas lectivas: 1 punto.

O listado anterior refírese a materias, non a nomes específicos de cursos.

Non se puntuarán os cursos que non acrediten as horas de duración, os diplomas relativos á realización de xornadas, seminarios, simposios e similares.

1.b) Por cada mes de experiencia en materia de medicina deportiva, nutrición ou cardioloxía 0,30 puntos/mes:

1.c) Pola posesión da especialidade en medicina deportiva/máster en materia de medicina deportiva.

- Máster de duración de 1 ano: 2 puntos
- Máster de duración de 2 anos: 4 puntos
- Especialidade en medicina deportiva: 8 puntos



Méritos de carácter xeral

2. Por cada mes de servizos prestados na Xunta de Galicia na mesma categoría á que se pretende acceder: 0,15 puntos/mes.
3. Por cada mes de servizos prestados noutras administracións públicas na mesma categoría e referidos aos últimos 5 anos: 0,10 puntos/mes
4. Por cada mes de servizos prestados nas empresas privadas na mesma categoría e referidos aos últimos 5 anos: 0,05 puntos/mes
5. A suma da puntuación das liñas 2, 3 e 4 non poderá exceder de 5 puntos.

Só serán baremables os servizos prestados das liñas 2, 3 e 4 cando non sexan valorados no apartado 1.b).

6. Por cada curso relacionado coa categoría á que se opta, diferente das materias especificadas no apartado 1.a) deste baremo, organizado e impartido directamente pola Escola Galega de Administración Pública, Fegas, Academia Galega de Seguridade Pública, INAP, escolas oficiais de formación das restantes comunidades autónomas, universidades, Sepe, Dirección Xeral de Orientación e Promoción Laboral da Consellería de Economía, Emprego e Industria, cursos de formación continua do AFCAP:
 - Cursos ata 25 horas: 0,1 puntos
 - Cursos de máis de 25 horas e menos de 75 horas: 0,2 puntos
 - Cursos de 75 horas ou máis: 0,3 puntos.

Non se puntuarán os cursos que non acrediten as horas de duración, os diplomas relativos á realización de xornadas, seminarios, simposios e similares.

7. Polo coñecemento acreditado do idioma galego (só se valorará o grao superior alegado)
 - En grao de iniciación/Celga 3: 0,50 puntos.
 - En grao de perfeccionamento/Celga 4: 0,75 puntos.
 - Outros de grao superior ao anterior: 1 punto.

Só se concederá validez, polo que á acreditación do galego se refire, aos cursos ou titulacións homologados polo órgano competente en materia lingüística da Xunta de Galicia.

Desempates

De producirse empate na puntuación, acudirase para dirimilo á:

1º Puntuación outorgada polos méritos alegados de acordo coa orde establecida nas presentes bases.



2º Primeira letra do primeiro apelido, segundo a orde establecida anualmente na resolución da Consellería de Facenda pola que se publica o resultado do sorteo a que se refire o Regulamento de selección do persoal da Administración da Comunidade Autónoma de Galicia. No ano 2018 a letra seleccionada foi a “Q”, segundo consta no DOG nº 25, do 5 de febreiro de 2019.

Non obstante o anterior, no suposto de infrarrepresentación do sexo feminino será de aplicación o previsto no artigo 49 do Decreto Legislativo 2/2015, do 12 de febreiro, polo que se aproba o texto refundido das disposicións legais da Comunidade Autónoma de Galicia en materia de igualdade.

De acordo co disposto nos artigos 7 e 11 do vixente convenio constituirase un órgano de selección formado por un máximo de 7 membros.

Para participar no proceso as persoas interesadas deberán cubrir unha instancia (achégase modelo) e dirixila ao Presidente do Tribunal de selección e presentaranse na Secretaría Xeral para o Deporte da Xunta de Galicia (R/ Madrid, 2-4, 2º Fontiñas – 15781 Santiago de Compostela) ou nas oficinas previstas na Lei 39/2015, do 1 de outubro, do procedemento administrativo común das Administracións Públicas, con data límite o 27/09/2019. Deberase adiantar a documentación vía correo electrónico ao correo secretaria.deporte@xunta.gal.

INFORMACIÓN BÁSICA SOBRE PROTECCIÓN DE DATOS PERSOAIS

Os datos persoais obtidos neste procedemento serán tratados na súa condición de responsable pola Xunta de Galicia-Secretaría Xeral da Presidencia coa finalidade de levar a cabo o proceso de selección para o desempeño con carácter temporal dun posto de traballo de persoal laboral e a actualización da información e contidos da Carpeta cidadá.

O tratamento dos datos baséase no cumprimento dunha obriga legal, de acordo coa Lei 2/2015, do 29 de abril, do emprego público de Galicia e demais normativa concordante.

Os datos serán comunicados ás administracións públicas no exercicio das súas competencias, cando sexa necesario para a tramitación e resolución dos seus procedementos ou para que os cidadáns poidan acceder de forma integral á información relativa a unha materia.

Co fin de dar a publicidade exixida do procedemento, os datos identificativos das persoas interesadas serán publicados conforme o descrito na presente convocatoria a través dos distintos medios de comunicación institucionais de que dispón a Xunta de Galicia, como páxinas web ou taboleiros de anuncios.





As persoas interesadas poderán acceder, rectificar e suprimir os seus datos, así como exercer outros dereitos ou retirar o seu consentimento, a través da sede electrónica da Xunta de Galicia ou presencialmente nos lugares e rexistros establecidos na normativa reguladora do procedemento administrativo común, segundo se explicita na información adicional recollida en <https://www.xunta.gal/proteccion-datos-persoais>.

Para calquera información sobre o proceso os interesados poden recorrer aos teléfonos 881 996 347 – 881 996 359.

Santiago de Compostela, 19 de setembro de 2019

O secretario xeral

Manuel Galdo Pérez



